



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Agobardi Archiepiscopi Lvgdvnensis Opera

Sancti Agobardi Archiepiscopi Lvgdvnensis Opervm ...

Agobardus <Lugdunensis>

Parisiis, 1666

De Translatione reliquiarum sanctorum martyrum Cypriani, Sperati, &
Pantaleonis ad urbem Lugdunensem.

urn:nbn:de:hbz:466:1-14657

EPITAPHIVM
KAROLI MAGNI
IMPERATORIS.

AVREA cælorum postquam de Virgine
Christus
Sumpserat apta sibi mundi pro crimine membra,
Iam decimus quartus post centies octo volabat
Annus, fluctuagi meruit quo fervida cœli
Ætherei Karolus, Francorum gloria gentis,
Æquora transire, & placidū comprehendere portū.
Qui deciesque quater per sex feliciter annos
Sceptra tenens regni, & regno Rex regna rejunges.
Febru migravit quinto ariū ex orbe Kalendas,
Septuaginta senex vitæ qui terminat annos.
Quapropter flagito, precibus si flecteris ullis,
Quique hujus relegis versus epigrammata lector,
Astriferam Karoli teneat, dic, spiritus arcem.

DE TRANSLATIONE
reliquiarum sanctorum martyrum
Cypriani, Sperati, & Pantaleonis ad
urbem Lugdunensem.

RECTOR magnificus piusque Princeps,
Augusto Karolus decorè fultus,
Sceptrum nobile Francicum regebat,
Subjectos populos pie gubernans.

Lectos æquora jussérat secare,
Ac jam propitio sibi Tonante,
Post multos nimiae viæ labores,
Ingressu reduci salum petentes,
Intrarunt Libycos repente fines:
Quà Carthago gravi jacens ruina
Deflet præteritæ decus juventæ.
Hic dum Basilicas Deo dicatas,
Et Christi subeunt verenda templæ,
Cernunt ut tua, Cypriane martyr,
Servaret loculus neglectus ossa.
Tum verò nimio dolore moti,
Et magno gemitu polum intuentes,
Poscunt auxilium Dei perennis,
Pro quo sancte tibi caput recisum est.
Et mox poplitibus precando flexis,
Pandunt sarcophagum, studéntque sacros
Artus strigere linteis paratis,
Commitiuntque sacro corpus locello.
Sperati quoque martyris beati,
Necnon Pantaleonis ossa raptim
Tollunt cuncta simul, ligantque pannis.
Conscendunt celeres ratem paratam,
Nec sævi metuunt pericla Ponti.
Egressis Arelas opima portu
Occurrit placido, sinuque Læto
Fessos excipit, ac fovet benignè.
Hac mox cùm audiit optimus sacerdos,
Lucduni placidam tenens cathedram,
Sanctorum eximio calore flagrans,
Intendensque sacris ubique rebus,
Ledradus specimen decusque Cleri.
Orat, postulat, impetratque raptim
Ut sanctissima martyrum piorum

322 AGOBARDI CARMINA.

Nostris mænibus ossa conderentur,
 Lucduni, ad placidam Iohannis aram,
Qui Christum vitrea rigavit unda.
 Illic cum sociis honore claro
 Florens, inclyte Cypriane, dormis.
 Sed quæso vigiles, vigilque nostris
 Intendas precibus; siisque nobis
 Clemens & validus Dei patronus;
 Solvas crimina, conferasque vota.
 Sit, quæso, memor illa lingua nostri,
Quæ confessa Dei perenne verbum,
 Cervicem gladio dedit secandam;
 Sed Christum cecinit, filere nescit.
 Hanc Christus jugiter benignus audit,
 Ve sacros populos stilo excitantem,
 Hæresesve pravas, deosve falsos,
 Verbi fulmine funditus cremantem.
 Hanc & pro populo & patrono nostro
 Semper quesumus audiat rogantem;
 Pastorem foveat, gregem propaget;
 Det munus fidei, decus salutis.
 O Doctor sacer, ô beate martyr,
 Serva Pontificem pius Agobardum,
Qui nomen, meritum, tuumque festum
Dictis extulit, & honore compsit.
 O triplex honor, ô triforme culmen!
 O tres magnifici piique testes!
 Sit nobis triplici ô favens precatus
 Pollens unica trinitas per eum.

